

LI TCHÈRWEÛ ÈT SÈS-ÈFANTS D'APRÈS LA FONTAINE

« Boutoz, n'eûchoz nin peû d' vos pwin.nes !
Li bèsogne toûne li dos à l' jin.ne. »
On fwârt èt bin riv'nant cinsî
Qui s' sinteut doûcemint div'nu vî
Aveut priyî tos sès-èfants
Po l'zeû dîre qu'il aveûve on plan :
« Eûchoz bin sogne di l'èritance
Di vos parints ! Vos-avoz l' chance
Qu'i-gn-a d' l'ôr catchî one sadju
Por one fôrtune èt co byin d' pus.
C'èst l' momint d' fé preûve di coradje,
Di n' nin rèculer d'avant l'ovradje
Vosse tête, i vos l' faurè tchèrwer,
Cachî, fognî d' tos lès costés
Jusqu'à ç' qui v's-eûchîche trové l' place
Avou l' magot èt qu'on l' ramasse.
Leû papa mwârt, i s'î mètenu
À bin r'toûrner tot come convenu ;
Mins on côp qu'il ont yeû tot faît
Il ont compris qu'au grand jamais
I n' troverin.n' li pus p'tite pîce d'ôr !
Mins qu'aveut-i v'lu dîre, d'abôrd ?
Il a faît comprinde à sès fis
Qu'ovradje, coradje, ça paye toti.

Georges Hussin